



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-1-40-332-2/24**

Datum: **09.09.2024. godine**

«Agencija za vodno područje rijeke Save» Sarajevo rješavajući po zahtjevu Investitora OPĆINA DOBOJ ISTOK za izdavanje prethodne vodne saglasnosti za aktivnost ispuštanja tehnoloških otpadnih voda iz objekta sportske dvorane u naselju Stanić Rijeka, općina Doboj Istok na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev Investitora OPĆINA DOBOJ ISTOK za izdavanje prethodne vodne saglasnosti za aktivnost ispuštanja tehnoloških otpadnih voda iz objekta - sportske dvorane koja se planira graditi na zemljištu označenom kao k.č. broj: 492/3 K.O. Stanić Rijeka, općina Doboj Istok, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

Obrazloženje

Investitor OPĆINA DOBOJ ISTOK se dana 03.07.2024. godine obratila ovoj Agenciji sa zahtjevom bez broja za izdavanje rješenja o prethodnoj vodnoj saglasnosti za aktivnost ispuštanja tehnoloških otpadnih voda iz objekta-sportske dvorane, koja se planira graditi na zemljištu označenom kao k.č. broj: 492/3 K.O. Stanić Rijeka, općina Doboj Istok.

U provedenom postupku dostavljena je i pregledana sljedeća dokumentacija:

- Ovjerena kopija Uvjerenja o poreznoj registraciji izdato od Porezna uprava-Kantonalni ured Tuzla od 30.12.2002. godine;
- Ovjerena kopija katastarskog plana, razmjera 1:2500, broj plana 6., UR broj: 05-26-378/2024-2 od 25.04.2024. godina izdato od Službe za prostorno uređenje, općina Doboj Istok;
- Ovjerena kopija katastarskog plana sa prikazanim vodotocima, razmjera 1:2500, broj plana 6., UR broj: 05-26-533/2024-2 od 01.07.2024. godina izdato od Službe za prostorno uređenje, općina Doboj Istok;
- Ovjerena kopija zemljišnoknjižnog izvotka, zk.uložak broj: 2386, broj: 027-0-NAR-24-002763 K.O. Stanić Rijeka izdato od Općinski sud u Gračanici;
- Izvod iz prostornog plana Tuzlanskog kantona broj: UP-I-05-19-87/24 od 24.04.2024. godine izdato od Službe za prostorno uređenje, općina Doboj Istok;
- Ovjerena kopija prijepis katastarsko-knjižnog uložka broj: 2373, broj: 05-26-377/24-2 od 25.04.2024. godina izdato od Službe za prostorno uređenje, općina Doboj Istok;
- Ovjerena kopija informacije o usklađenosti planirane aktivnosti sa prostornim planom broj: 05-19-909/24 od 27.06.2024. godina izdato od Službe za prostorno uređenje, općina Doboj Istok;
- Studija za izdavanje prethodne vodne saglasnosti za sportsku dvoranu u Stanić Rijeci, općina Doboj Istok broj: 55-C/24, Juni 2024. godina urađena od „Talweg“ d.o.o., Tuzla;
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije, Studije za izdavanje prethodne vodne saglasnosti i mišljenja tehničke struke utvrđeno je slijedeće:

- Lokacija objekta se nalazi na parceli označenoj kao k.č. broj: 492/3 K.O. Stanić Rijeka, općina Doboј Istok.
- Planirani objekat je sportskog tipa.
- Objekat se planira priključiti na mjesnu vodovodnu mrežu, na lokaciji ne postoji mogućnost priključka na javni kanalizacioni sistem.
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama („Službene novine Federacije BiH“, broj 70/06), u skladu s članom 200. Zakona o upravnom postupku („Službene novine Federacije BiH“, broj 2/98, 48/99 i 61/22) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Remić Dž., dipl.iur.

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- OPĆINA DOBOJ ISTOK
Ul. Trg Alije Izetbegovića br. 1., Klokotnica
- Ⓜ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava